



PM-Rajasthan

प्रमुख राजनीतिक पार्टिं दे मशहूर नेता आस्सेआ देश दे बक्ख-बक्ख हिस्सें च सार्वजनिक बैठकें ते रोड शो करने कन्नै चुनाएं दे प्रचार च होर तेजी आई ऐ। प्रधानमंत्री मोदी होर उत्तर प्रदेश दे सहारनपुर च जनसभा गी संबोधत करै करदे न। जनसभा गी संबोधत करदे होई श्री मोदी होरें मोदी सरकार आस्सेआ मुकम्मल कीते गेदे विकास कम्मं बारे दस्सेआ। भारती जनता पार्टी दे वरिष्ठ नेता ते प्रधानमंत्री नरेन्द्र मोदी होर अज्ज राजस्थान दे अजमेर जिले च पुष्कर दे कोल चुनावी रैली गी संबोधत करगंन। अजमेर ते पुष्कर थमां बीजेपी दे मेदवारें दे समर्थन च एह रैली आयोजित कीती जा'रदी ऐ। लोकसभा चुनाएं लेई प्रधानमंत्री मोदी हुंदी राजस्थान च एह त्रीह जनसभा ऐ। तोआई दूई बक्खी कांग्रेस अपने घोषणा पत्र दे सरबंधै च अज्ज जयपुर च बड्डी जनसभा दा आयोजन करै करदी ऐ। कांग्रेस अध्यक्ष मल्लिकार्जुन खड्गे ते पार्टी नेता सोनिया गांधी बी जनसभा गी संबोधत करगंन। इस जनसभा गी सफल बनाने आस्तै कांग्रेस नै बड्डे पैमाने उप्पर तैआरियां कीती दियां न।



JK-Terrorists

केन्द्र शासत प्रदेश जम्मू कश्मीर च कल सुरक्षाबलें उत्तरी कश्मीर दे बारामुला दे उड़ी इलाके च कब्जा रेखा दे नेड़े सबूरा नाला च आतंकवादिं दी घुसपैठ दी कोशश नाकाम करी दित्ती ते दऊं घुसपैठिएं गी मारी मकाया। फौज दी चिनार कोर दे इक अधिकारी नै दस्सेआ जे आतंकवादिं नियंत्रण रेखा पर भारत बक्खी बड़ने दी कोशश कीती। सुरक्षाबलें दी परते आली कारवाई च दऊं घुसपैठिए मारे गे। टाकरे परैंत इलाके च तलाशी अभियान चलाया गेआ जेह्दे च 2 ए.के. रैफलां, 4 हथगोले ते गोला-बरूद बरामद होआ। फौज दे इक अधिकारी मूजब नियंत्रण रेखा पर फौज दे जवान पूरी चाल्ली सतर्क न ते उंदी तुरत कारवाई करी घुसपैठ दी कोशश नाकाम होई ऐ। उनें आक्खेआ ऐ जे औंदे लोकसभा चुनां थमां पैहले सुरक्षाबल पूरी चाल्ली कन्नै हाई अलर्ट उप्पर न। सुरक्षा बल दे इक वरिष्ठ अधिकारी नै हाल च गै दस्सेआ ऐ जे औंदे आम चुनाएं जनेह् कार्यक्रमें दरान सब्बनें बलें कन्नै इलाके च घुसपैठ दे मामले बघदे न।



BJP Foundation Day

बीजेपी दे वरिष्ठ नेता ते प्रधानमंत्री नरेन्द्र मोदी, गृहमंत्री अमित शाह ते बीजेपी दे अध्यक्ष जे. पी.नड्डा होरें अपनी पार्टी गी 44में स्थापना दिवस दी शुाकामनां दित्तियां न। इक सोशल मीडिया पोस्ट च श्री मोदी होरें अपने साथी, पार्टी दे कार्यकर्ताएं गी शुभकामना दित्तियां न ते पार्टी बनाने लेई ब'रे-ब'रे थमां उी मेहनत, संघर्ष ते बलिदानें लेई उंदा धन्नबाद कीता। उनें आक्खेआ जे एह माने आली गल्ल ऐ जे बीजेपी म्हेशां गै अपने विकास आले नजरियै सब्बने लेई इक बरोबर ते राष्ट्रवादी मुख्खे लेई समर्पित रेई ऐ जेह्डी "नेशन फर्स्ट" दे मंत्र कन्नै लोकें दी सेवा करदी ऐ। इस मौके पर भाजपा अध्यक्ष जे.पी.नड्डा होरें नमीं दिल्ली च

बीजेपी दे मुख्यालय च झंडा चाढ़ेआ। उआं केन्द्री मंत्री डॉ. जितेन्द्र सिंह होरें बी बीजेपी दे कार्यकर्ताएं गी बीजेपी दे स्थापना दिवस दे मौके पर दिलै थमां शुभकामना दित्तियां ते आक्खेआ जे पार्टी म्हेशां सेवा दे मंत्र आले भाव कन्नै अगगे बधी ऐ।

<><><><><><>

Dr. Jatinder Singh

केन्द्री मंत्री डॉ. जितेन्द्र सिंह होरें आक्खेआ ऐ जे प्रधानमंत्री नरेन्द्र मोदी सरकार नै किश्तवाड़ जिले गी बिजली केन्द्र च बदली दित्ता ऐ जेह्दी कांग्रेस सरकार दे शासन दरान नजरअंदाज कीता गेदा हा। किश्तवाड़ जिले दे माडवाह ग्रां च लोकें गी संबोधत करदे होई डॉ. सिंह होरें आक्खेआ ऐ जे अजादी दे बाद 6 दहाकें शा मते समें थमां दूर-दरेड़े ग्रां मड़वाह च सहूलतां नेई होने करी लोकें गी मुश्कलें दा सामना करना पौंदा हा। उत्थें पैहली बारी 2015 च 100 करोड़ रपे दी शिड़क परियोजना पर कम्म कीता गेआ हा, जेह्दे कन्नै हर मौसम च राबते लेई टनल बनाने दा कम्म कीता गेआ हा। एह सब्ब मोदी सरकार दे जतनें करी गे संभव होई सकेआ ऐ।

<><><><><><>

Jugal Kishore

जम्मू रियासी संसदीय हल्के दे बीजेपी मेदवार जुगल किशोर शर्मा होरें आक्खेआ ऐ जे पूरी दुनिया नै दिक्खेआ ऐ जे जम्मू कश्मीर च असुरक्षा दे दिन खत्म होई गेदे न ते एह नरेन्द्र मोदी सरकार दे लगातार जतनें करी गै संभव होइ सकदा ऐ। उनें एह गल्ल कल विजयपुर विधानसभा खेत्तर दे बक्ख-बक्ख हिस्सें च दिनै दे प्रचार दरान आक्खी। जनसभा गी संबोधत करदे होई जुगल किशोर शर्मा होरें आक्खेआ ऐ जे सच्चें गै प्रधानमंत्री नरेन्द्र मोदी हुंदी इक बड्डी उपलब्धि ऐ जे जम्मू कश्मीर च आतंकवाद गी तकरीबन खत्म करी दित्ता गेदा ऐ ते रमानदारी ब्हाल होइ गेई ऐ। जिसदी मेद लोक दहाकें थमां कांग्रेस ते होरने खेत्तरीय राजनीतिक पार्टिएं दी सरकारै थमां करा'रदे हे। उनें इब्बी आक्खेआ ऐ जे असल विकास अज्ज दिक्खने गी लब्भा'रदा ऐ जेह्ड़ा केन्द्र शासत प्रदेश गी समृद्धि ते तरक्की दी बत्ता पर लेई आया ऐ।

<><><><><><>

Cogress JK

कांग्रेस पार्टी नै कल आक्खेआ ऐ जे ओहू इस बारी जेकर सत्त च ओंदी ऐ ते ओहू जम्मू कश्मीर च राज्य दा दर्जा ब्हाल करी देश, संविधान दी 6मीं अनुसूचि च संशोधन करिये लद्दाख दे कबायली इलाकें गी शामिल करग। 26 लक्ख रपे तगर दा सेहत इंशोरेंस कवर उपलब्ध करोआग ते अग्निपथ योजना गी खत्म करी देन। पार्टी दे अध्यक्ष मल्लिकार्जुन खड़गे होरें एह घोषणा नमीं दिल्ली च कांग्रेस दे मुख्यालय च 2024 दे लोकसभा चुनां लेई अपना पार्टी घोषणा पत्र जारी करदे होई कीती जेह्दे च पार्टी दे वरिष्ठ नेता सोनिया गांधी ते राहुल गांधी होर मजूद हे।

<><><><><><>

Maldives Export

भारत नै इक अनोखी दबक्खी बवस्था तैहत्त 2024–25 ब'रे लेई मालदीब्ज लेई जयरी चीजें बस्ते दे अजे तोडी दे सब्बने शा मते कोटे गी मंजूरी दित्ती ऐ। विदेश मंत्री मूसा जमीर होरें इस गेड़ लेई विदेश मंत्री डॉ. एस.जयशंकर हुंदा धन्नबाद कीता। सोशल मीडिया दे इक प्लेटफार्म एक्स उप्पर उनें आक्खेआ ऐ जे एह इक इशारा ऐ जेहड़ा दौनें मुल्खें बश्कार दपक्खी बज बपार गी होर मता बधाने लेई मजबूत प्रतिबद्धता ते लम्मी दोस्ती दा संकेत ऐ। इनें चीजें बस्ते दी मिकदार च कीता गेदा बाद्धा, 1981 कोला लेइयै हुनै तगर यानि जदू दी एह बवस्था शुरू कीती गेदी ऐ तदू थमां हुनै तगर दी सब्बने शा मती ऐ।

<><><><><><>